

multo laetius utentibus. Panis vulgi nigerrimus est, ex Siligine aut Hordeo unacum furfuribus. Divitum autem albissimus, ex puro Triticis pinisur. Vini apud eos rarissimus usus, Cereali poculo multi utuntur, plebeium vulgus aqua. Cerevisiam coquunt diversimode & ex variis granis, puta, Frumento, Siligine, Hordeo, Avena, Milio, sed inspidam. Medone & Ipisso & tenui & vario modo cocto abundant, & illo reficiuntur & inebriantur. Lithuania difficilis aditu ac quodammodo inaccessa, aquis omnia obtinentibus: hyeme commercia cum Lithuanis habiliora, paludibus & stagnis alta glacie concretis, niveque superinfusa sunt omnia mercatoribus pervia. Opes apud eos præcipuæ Animalium pelles, Mustelinæ, Vulpinæ & pretiosiores, ut Ictidibus (quas Martes vocant) & Scythicis Mustelis detractæ, quibus Sebellinis nomen est. Ex his magnum quantum faciunt, ut ex Cera, Melle, Cinere & Pice. Omnis item roborea illa materia que *Wagenschot* nostratibus dicitur, & ex qua in Germaniæ inferioris & Belgicæ maritimis regionibus universa fere lignea opera architectonica, tam publica quam privata, domorumque magna ex parte supellex & utensilia parantur, his partibus cæditur, illincque ad nos per Balthicum & Germanicum mare advehitur. Sed de Lithuania satis: De reliquis nunc paucula subjungamus. Sequitur in titulo nostro *Samogitia* (quod eorum lingua terram inferiorem sonat) Russis *Samotkazemla*, regio Septentrionalis & satis ampla, Lithuanicæ proxima, silvis & fluminibus circumsepta, quinquaginta miliarium longitudine. A Septentrione Livoniam habet, ab Occasu Marii Balthici sive Germanici, qui sinus Balthicus proprie nuncupatur, non nihil versus Septentrionem reflectendo, alluitur, vicina est etiam Borussia. Abundat nobilissimo, candidissimo ac purissimo Melle, quod in omni arbore excavata invenitur. Opidum nullum habet, non Arcem: nobiles in tuguriis vivunt, rustici in casis. Gens hujus regionis procera & pulchræ staturæ, agrestis tamen & incultis moribus, parco victu vivens, sitim aqua sedare solita, raro Cerevisia aut Medone; Auri, Argenti, Eris, Ferri, Vini ante nostra tempora expers & ignara: apud hos licitum erat uni viro plures habere uxores, & patre mortuo Novercam, Fratremque Fratriam in uxorem accipere. Gens præterea ad divinationes & auguria proclivis. Præcipuum Numen Samogiticum erat ignis, quem sacrosanctum & perpetuum putabant, qui in Montis altissimi jugo assidua lignorum appositione a sacrorum sacerdote alebatur. Tertium locum tenet *Russia*, quo nomine hoc loco *Russiam* *Urbs Leopoli*: Meridionalem sive *Nigram* intelligimus, cujus urbs primaria *Leopolis* Emporio & Archiepiscopali sede celebris. Districtus præter *Leopoliensem* sunt, *Halicensis*, *Belzensis* & *Premisliensis*. Restat de *Volhynia*, quæ inter Lithuaniam, Podoliam & Russiam sita, Frugibus abundat propter agri fertilitatem. Incolæ strenui et bellicosi sunt, Ruthenicoque idiomate utuntur. Regio hæc ad Magnum Lithuanicæ Ducatum pertinebat, sed nunc Regno Poloniæ adjuncta est. Districtus habet tres, *Lucensem*, *Volodimiricensem*, *Lacus* & *Kremenecensem*, suntque tres civitates provinciales *Luczko*, *Volodimiria*, & *Kremenec*, quæ complura Opida & munitiones subjectas habent. Lacus hic et stagna plurima Piscibus referta, ac silvæ Feris. Est et in hac Tabula *Podolia* sita ad Tyram flu. qui *Nyster* dicitur; regio est fertilissima, semel feritur, ter metitur: pratis italuxuriat, ut sæpe Boum cornua vix è gramine appareant. Urbes præcipuæ sunt *Camienec*, *Bar*, *Miedziboz*, *Breza* & *Braslaw*. Sed de hac Tabula quæ dicta sunt hæcenus, sufficiant, ad Transylvaniam pergimus.

Mercimonis

Samogitia:
Nomina.

Soli fertilitas.

Mores:
Victus.Russia:
Urbs Leopoli.

Volhynia.

Sui.

Soli fertilitas.

Urbes.

Lacus.

Silva.

Podolia.

Sui.

Soli fertilitas.

Urbes.